

Gführt hei p' Franzoso mi Brüodor glai
iche is Ruda und hei se druckt.
Rudoburs Kneacht hei abgewehrt mit Gwalt,
heiod p' Franzoso-n-ihon gmacht glai kalt.
Rohm gsoffo, groubat, to wi varruckt²⁷⁾,

us-gschnüssat heiod²⁸⁾ p' Franzoso-n-all
dionna-n-im Ruda, was ligg und stand,
's Gealt niona fundo²⁹⁾. Do händ di Find³⁰⁾
packat do Buro-n-und hear-brocht gschwind
ussar zum Oberst voar Gricht as Land.

„Zwölf Stund Bedenk-Zitt und strenge Haft,
wenn ar bis³¹⁾ 's Gealt zoag, so sei as reacht“,
gseit hei do-n-Oberst, do healf ko Beotti³²⁾,
sus und so stell ma'n³³⁾ aweack zwuonzg Schreott,
töü-o-n-arschüßo³⁴⁾ grad wi sin Kneacht.

Jo, und dorzwüschit ist dom om Klio
Kriog gsi, wi heat ma-n-a Gschroa vorführt!
Mior, a paar Wibor, händ gluogat dött,
heat ma-n-uf uomol uf so am Bett³⁵⁾
hear-treit an Hocho-n-und schwär blessiert³⁶⁾.

Uona von Träger heat zmol mior gwinkt.
Wi-n-e französisch glai a-n-om frog,
was ar denn aigottle vo mor well³⁷⁾,
seit ar, zum Krankno glai ko ih söll.
Hannos, iohr seachad ga sealbort di Blog³⁸⁾. —

Ist as mi Oberst gsi, hett's nio gloubt.
I-o-n-o glai kennt³⁹⁾ und ear mi ou,
heat se gnot uf-gricht, wi ear mi siobt,
lutt heat ar guonzat und schützle blüot⁴⁰⁾.
Ane, hio denkt ih⁴¹⁾, was süg ou si Frou!

Bitt⁴²⁾ heat do-n-Oberst und grüoft om Hilf,
gseit heat ar denn no mit schwachor Stimm,
wenn-e an Wunsch hei, säg ar nid nei:
„Lond⁴³⁾“, hio-n-e gseit, „do Rudobur frei“,
gholfo glai hio-n-e dom Buro mimm.